

أم الحسن
للهادي تنعاه
تبجي وتون
أي وإماماه

من أرض طيبة غوّض وشال
كأصد لسامرا للهوال
وياه نسوانه ولعيال
ومنه الدمع بلوجنه همّال
بعده بگت طيبة خلّية
وتنادي ياخير البرية
اتودعه بدمعه جريه
بعذك يهادي يصعب الحال
راح الكبر جده يودعه
مسافر يجدي وما في رجعه
محتار ومنه يهمني دمعه
ودعتك الله ياسنا الآل
واتعنه الكبر الزچيه
امسافر بيّمه للمنيه
وينادي بونه شجيه
يم الحسن ضاعت الآمال

ومن الكبر يتعالى الصوت
يوليدي سافر كرب الموت
أمرآك فجعني
وخلني بحزني
ولرض البقيع اتعنه بلحال
يودع جدوده ودمعه همال
يسكب العبره
بونه وزفره
وگامت الناس اتودعه بنوح
ترحل ينور القلم واللوح
لجله حزينه
امن المدينه
سفرتك والله تدهش البال
طيبه بعدكم تصبح اطلال
يا بن الميامين
يا حامي الدين

أم الحسن
للهادي تنعاه
تبجي وتون
أي وإماماه

ومن وصل سامرا يوسفه
جاري الغضا محتوم ايعرفه
بيها جرع كاس المنيه
فوغ الفرش يوصي الوصيه
واتجمعت حوله اولاده
حصل الطاغي اللي اراده
بيها وگف يصفگ لچفه
ومنها يگاسي اصنوف لهوال
وحلت على أهله الرزيه
ومنه الدمع بلخد همال
تتادي يميـراث الشهادة
وبسموم غدره ضيـع آمال
يلوالي شنهو العلة البيك
تفداك هالنسوة ولطفال

والعسكري نادى يهادي
مگدر اشوفك يامرادي
فتح اعيونك
منخطف لونك

بديار غربة تگضي ليّام
وين الأهل في وين لعمام
والألم يكبر
تحضر وتثار

فوغ الفرش يابويه مطروح
واهلك حزينه وغارگه بنوح
تجذب الونه
آه ياضمدنه

هالسم يبويه فت فؤادي
نعص علي شربي وزادي
وزيد احزاني
وبالهم رماني

أم الحسن
للهادي تنعاه
تبجي وتون
أي وإماماه

فتّح اعيونه وگام يوصيه
والدمع جاري بحسره يهميه
حاضن اوليده وشابك ايديه
يوليدي احفظ بعدي لعيال
أطفالي بعيونك أمانه
ليكون بعدي بالمهاناه
غمّض اعيونه وزفر بالآه
والعسكري بالألم ينعاه
من بعد ما أدّى وصاياه
ودموعه مثل الجمر تنهال
بديار غربه تگضي يايا ب
غيّاب أهلک کلها غيّاب
وين الأهل في وين لحباب
والله يساعدا بهلحوال

بيده الكريمه گام يغسله
والچفن لفه ونادی أهله
والکلب صادي
شيعوا الهادي

وايتامه خلف النعش تنعاه
تنادي بيونا آه ويلاه
باللوعه والنوح
والدمع مسفوح

للگبر جابه ونزله وصاح
يابويه بعدك گلبي اجراح
بوداعة الله
والعالم الله

والله يبويه موحش الكون
خذني لگبرك گلبي محزون
من بعد عيناك
أندفن وياك